



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

LXXXVIII. Kurfürst Johann vereignet der Stadt Bärwalde die halbe Dorfstätte Stölpichen, am 18. Dezember 1495.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

LXXXVIII. Kurfürst Johann vereignet der Stadt Bärwalde die halbe Dorfstätte Stölpichen, am 18. Dezember 1495.

Wir Johannis, von gots gnaden etc., Bekennen etc., das wir erkant getrewe willig dinst, so vnser lieben getrewen Burgermeister, Rathman vnd gancze gemein vnser Stat bernwald vns vnd vnzren vorfahren oftmal zu danck gethan, teglich thun vnd forder mehr wol thun sollen vnd wollen; darumb vnd von sunder gunst vnd genad, auch Irer fleißigen beten wegen, die halben dorfstet Stölpichen mit allen Iren zugehorungen, nutzungen vnd gerechtigkeiten, wie die In Iren refiren vnd grennczen gelegen, so sie biszheren von vns zu leben gehabt, zu der anderen helffte, die Inen vormals von dewtschen orden vereigent, zu rechtem ewigen eigenthum vereygent haben vnd vereygen Inen solche halbe dorfstet Stölpichen mit allen Iren zugehorungen, nutzungen vnd gerechtigkeiten, wie die In Iren refiren vnd grennczen gelegen, zu rechten ewigen eigenthum, wie eigenthumbs recht vnd gewonheit ist vnd Inmalzen Inen ander Ir guter von vns vnd vnzren vorfahren vereigent sind, In crafft vnd macht dits briues etc. Actum am freitag nach lucie, Im XCVten.

Nach dem Churmärkischen Lehnscopialbuche XXIX, 8.

LXXXIX. Kurfürst Joachim belehnt die Mörner mit Clossow, Zellin und mehreren Gütern, am 7. Mai 1499.

Vonn gotts gnaden wir Joachim, kurfürst etc., Bekennen etc. — das wir vnsern lieben getrewen hannsen, bernhartten vnd ludwigen, die Morner genant, vettern, zw Clossaw vnd zellin gefessen, vnd In menlichen leibs lehns erben dise hernachgeschriben guter, Jerliche zins vnd Rente zw rechtem manlehne vnd gesampter handt gnediglichen geliben haben, nemlichen die dorffer Clossow vnd Cellin mit allen Iren gerechtigkeiten, zinsen vnd renthen, Item die wusten feltmarcke More, vischereyen, grefingen vnd aller gerechtigkeit vnd auff der veltmarck zu Schultendorff vierzeihen hufen vnd ein huben zw Bellin, do die werbelow wonen etc. — Geben zw konigßberg, am donerstag nach dem Sontag Oculi In der vasten, Im XCIX. Jare.

Nach dem Churmärkischen Lehnscopialbuche XXX, 42.

XC. Kurfürstliche Belehnung des Gurb Sibow mit einem Landgute zu Voigtsdorf und mit dem Stadtgerichte zu Bärwalde, am 9. Mai 1499.

Von gotts gnaden etc. Bekennen vnnd thun kunt offintlichen mit disem vnnserm briue vor vns, vnser erben vnd nachkomen vnd sunst allermeniglichen, das wir vnsern lieben getrewen Cune